



## VICERREITORÍA DE COMUNIDADE UNIVERSITARIA E COMPROMISO SOCIAL

Servizo de Axudas e Servizos ao Alumnado  
Sección de Servizos á Comunidade Universitaria  
Pavillón Estudantil. Campus Universitario Sur  
15782 Santiago de Compostela

### **CONVOCATORIA DE BOLSAS DE COMEDOR DO SERVIZO UNIVERSITARIO DE RESIDENCIAS (SUR) CURSO 2009 - 2010**

**(Aprobada polo Consello de Goberno de 25 de marzo de 2009)**

A Vicerreitoría de Comunidade Universitaria e Compromiso Social co obxecto de poñer en marcha accións de apoio económico ao estudantado e garantir a igualdade de oportunidades das familias con menos recursos, convoca bolsas de comedor para os alumnos da Universidade de Santiago de Compostela (USC) consonte ás seguintes

#### **BASES**

##### **PRIMEIRA. SOLICITANTES**

Poderán acceder a estas bolsas os estudantes matriculados na USC no curso académico 2009/10 que cumpran os seguintes requisitos:

1. Estar aloxado no Servizo Universitario de Residencias (SUR) da USC durante todo o curso 2009/2010.
2. Ser bolseiro no curso 2009/2010 das convocatorias de bolsas anticipada, xeral ou mobilidade do Ministerio que ten a competencia nesa materia, co compoñente de residencia.

##### **SEGUNDA. SOLICITUDE**

O impreso de solicitude estará dispoñible: no Campus de Santiago, na Sección de Servizos á Comunidade Universitaria do Servizo de Axudas e Servizos ao Alumnado (Pavillón Estudantil – Campus Sur); no Campus de Lugo, na Vicexerencia (Edificio de Servizos Administrativos e Biblioteca Intercentros, Campus Universitario), e na páxina web: <http://www.usc.es/bolsas> en Bolsas e Axudas da USC.

**As solicitudes presentaranse** nos Rexistros Xerais da Universidade: no de Santiago, sito no Colexio de San Xerome, s/n, 15782, e no de Lugo, sito no Edificio de Servizos Administrativos e Biblioteca Intercentros, Campus Universitario, 27002; nos Rexistros Auxiliares das Unidades de Xestión Académica, o do Campus Sur sito no edificio do Pavillón Estudantil e o do Campus Norte sito no Burgo das Nacións, ou por calquera dos procedementos recollidos no artigo 38.4 da Lei 30/1992, do 26 de novembro, de réxime xurídico das administracións públicas e do procedemento administrativo común.

##### **TERCEIRA. PRAZO**

**O prazo de solicitude** abranguerá desde o **2 de novembro de 2009 ata o 30 de setembro de 2010**. Os estudantes deberán solicitar esta bolsa ao longo do mes seguinte ao ingreso da axuda de residencia concedida polo Ministerio.

##### **CUARTA. DOCUMENTACIÓN**

Os estudantes presentarán xunto coa solicitude, a documentación que deseguido se relaciona:

1. Copia do resgardo de ter ingresado no número de conta **2091 0388 98 3110001172** (Caixa Galicia, Santiago de Compostela) **en concepto de aloxamento en residencia** o pago íntegro do compoñente de residencia da bolsa concedida polo Ministerio.



## VICERREITORÍA DE COMUNIDADE UNIVERSITARIA E COMPROMISO SOCIAL

Servizo de Axudas e Servizos ao Alumnado  
Sección de Servizos á Comunidade Universitaria  
Pavillón Estudiantil. Campus Universitario Sur  
15782 Santiago de Compostela

2. Documento facilitado pola entidade bancaria no que conste o código da conta cliente cos códigos que identifican o banco, a oficina, o dígito de control e o número da conta, da que deberá ser titular ou cotitular o alumno bolseiro e na cal se aboará o importe da axuda.

Para seren admitidos ao procedemento de selección os aspirantes manifestarán na súa solicitude que reúnen todos e cada un dos requisitos e condicións de acceso esixidas na data de expiración do prazo para a presentación de solicitudes.

A presentación da solicitude á bolsa implica a total aceptación das bases por parte de cada solicitante.

### **QUINTA. TRAMITACIÓN**

Correspóndelle á Sección Servizos á Comunidade Universitaria do Servizo de Axudas e Servizos ao Alumnado:

- A revisión das solicitudes e dos documentos preceptivos para, no caso de ser necesario, requirir ao interesado que repare as faltas que se detecten con indicación de que de non facelo terase por desistido do seu pedimento, arquivándose a solicitude previa resolución expresa.

- A revisión do cumprimento dos requisitos para a obtención da axuda e a elevación de propostas ao Vicerreitor de Comunidade Universitaria e Compromiso Social para a súa concesión ou denegación así como a notificación ao interesado da resolución adoptada.

Contra esa resolución os interesados poderán presentar reclamación no prazo de 10 días, contados dende a data da súa notificación. Transcorrido ese prazo, e analizadas, de ser o caso, as reclamacións, remitiráselle a proposta ao Vicerreitor de Comunidade Universitaria e Compromiso Social quen resolverá definitivamente por delegación do Reitor da Universidade.

### **SEXTA: LUGAR DE NOTIFICACIÓN DOS ACTOS DERIVADOS DA PRESENTE CONVOCATORIA**

As comunicacións serán publicadas no taboleiro de anuncios das residencias e colexios maiores que integran o SUR.

Considerarase como domicilio do interesado, a efectos de notificacións das incidencias individuais en relación con estas bolsas, o cuarto ocupado polo alumno no SUR.

### **SÉTIMA. CONTÍA**

1. A contía de cada bolsa virá dada:

- Polo tipo de cota adxudicada ao estudante en relación coa súa Renda Persoal Dispoñible (RPD)
- Polo compoñente de residencia da bolsa do Ministerio.

2. Para os estudantes con RPD inferior ou igual a 8.999,99 euros sumaráselle á anterior RPD, pola que se lle asignou a cota que está aboando, o importe da bolsa de residencia do Ministerio. Esta operación dará como resultado unha nova RPD en base a cal se lle adxudicará unha nova cota por cuxo importe deberá aboar todo o curso académico 2009-2010.

3. Para os estudantes que foran residentes/colexiais no curso 2007-2008 e considerados de readmisión na convocatoria de prazas de aloxamento do SUR do curso 2008-2009, que polo disposto no parágrafo anterior salten dúas cotas, pasarán a aboar durante todo o curso académico 2009-2010 o importe da cota inmediatamente superior á que lles corresponde pola súa RPD orixinaría, sendo a cota máxima a pagar por estes estudantes a cota E.

4. A contía a ingresar a cada alumno como bolsa de comedor calcularase restando do importe total do compoñente de residencia da bolsa do Ministerio o importe anual segundo, a nova cota adxudicada, descontados os importes xa aboados.

#### **OITAVA. OBRIGAS DOS BOLSEIROS**

1. Permanecer no Servizo Universitario de Residencias durante o ano académico 2009/10.
2. Non ter cantidades pendentes en concepto de dereitos de aloxamento co SUR no momento de realizar a solicitude desta bolsa.
3. Ter feito o pagamento ao que fai referencia a base cuarta punto primeiro da presente convocatoria.
4. Comunicar á Sección de Servizos á Comunidade Universitaria calquera cambio en relación cos requisitos para a solicitude destas bolsas así como a percepción doutras axudas públicas.

#### **NOVENA. RESOLUCIÓN E PAGAMENTO DAS BOLSAS**

O pagamento das bolsas realizarase mediante resolucións mensuais unha vez comprobado que os alumnos beneficiarios manteñen os requisitos esixidos para a súa concesión.

Ao principio de cada mes a USC librará as axudas directamente a favor de cada estudante que figure na resolución da concesión nun único pagamento, que se efectuará mediante transferencia á conta por el escollida na súa solicitude.

#### **DÉCIMA. REVOGACIÓN DA CONCESIÓN**



A concesión desta axuda poderá ser revogada no caso de ser concedida a alumnos que non reúnan algún ou algúns dos requisitos establecidos. Neste caso o alumno deberá reintegrar o importe da bolsa percibida.

#### **UNDÉCIMA. INCOMPATIBILIDADES.**

Esta bolsa é incompatible con calquera outra axuda, bolsa, etc, que destinada ao mesmo fin obteña o solicitante de calquera administración, entidade pública ou privada.

Santiago de Compostela, 13 de maio de 2009

**O VICERREITOR DE COMUNIDADE UNIVERSITARIA  
E COMPROMISO SOCIAL**



Handwritten signature of José Manuel Mayán Santos.

José Manuel Mayán Santos